



Pule o tliša mmele



Nomsa Mokoena



Dumelang! Leina la ka ke nna Pule. Ke tlo le
botša ka mokgwa woo ke ihlokomelang ka
gona,

Mma o re go bohlokwa go hlokomela mebele
ya rena.

Tšeo re di jang le tše re di nwang di
bohlokwa. Go dula re hlwekile le go išudulla
go bohlokwa, Tšeo re di aparang le gore re
robala nako e ka kang go bohlokwa le gona!





Ke ja dijo tše dintši tša go phediša go swana
le merogo, dienywa, mae, dikoko, motepa,
kgogo le hlapi.

Ditšhipisi, dikuku le malekere di bose, mara
ga tša swanela meele. Ke dija tšatši le lengwe
go kwa monate wa tšona.





Ke dula ke phedile ka go nwa meetse a go hlweka. Papa o mpoditše gore meetse a hlwekiša mmele ka gare.

Ke nwa maswi gape gobane a dira gore meno a tiye. Moratho waka Mojalefa o rata maswi!

Dinwaphori di bose, e fela ga di phediši!

Re swanetše go nwa di galase tše tshela tša meetse ka letšatši.





Mma o re go hlokomela mebele ya rena go dira gore re phele re phedile.

Ka hlapa matsogo ka mehla. Seo se dira gore re se tsene ke ditwatši mmeleng

Ke bala lesome ge ke hlapa. Seo se dira gore ke hlape gabotse.

Ke hlapa gape meno mesong e mengwe le e mengwe le gape bošego pele ke eya go robala.





Ke apara goya ka boemo ba boso.

Marega ke apara masokisi gore maoto a futhumale. Ke apara monyatse hlogong le sekhafo molaleng gore ke futhumale. Ke apara gape le jesi gore mmele waka o futhumale.

Go bohlokwa gore ke seke ka lwala.

Ge e le selemo ke apara diaparo tša go ntira gore ke bethele ke moya, go swana le di shothi, dikhipa le di ramphašane. Ke apara kepise ge ke šireletša letšatši.





Go bo bohlokwa gore ke išudulle tšatši ka
letšatši gore ke phele ke phedile.

Manthapama a mangwe le a mangwe keya
ka ntle go kitima le go fofa ka kgati. Seo se
nthuša gore mmele waka o dule o matlafetše
le go lekanela.





Ke swanetše go tsoga ka pela ka iri ya boselela ke itukišetše go ya sekolong, ka tima mabone ka iri ya seswai boshego.

Papa o mpoditše gore mmele le monagano o khutša bošego ge re robala.

Go robala bošego ka botlalo go dira gore ke ithute gabotse sekolong.

Bana ba Mphato wa fase ba swanetše go robala di iri tše lesome le tee.





Ke tseba go ke hlokomela. Ke a ikgantšha ka
gore ke phedile.

Ke ruta gape Tumelo go ihlokemela.

Ke a tshepa gore o a ihlokomela le wena!